



Pronalazak droge i oružja

Dana 19.12.2022.godine u 18,15 sati u ulici Velešići, općina Novo Sarajevo, policijski službenici Odjeljenja za borbu protiv zloupotreba opojnih droga, Sektora kriminalističke policije Uprave policije MUP-a Kantona Sarajevo izvršili su pretres lica A.K., rođen 1991.godine u Sarajevu, gdje je i nastanjen. Tom prilikom kod istog je pronađen i oduzet jedan paketić sa suhom zeljastom materijom koja asocira na opojnu drogu marihuanu. Na osnovu Naredbe Općinskog suda u Sarajevu, izvršen je pretres stana koji koristi A.K. na području općine Novo Sarajevo. Prilikom pretresa pronađena su i od A.K. oduzeta oko 54 grama suhe zeljaste materije koja asocira na opojnu drogu marihuanu, oko 10 grama materije koja asocira na opojnu drogu spid, jedna ručno spravljena cigareta "joint", digitalna vaga i pištolj sa okvirom i tri metka cal. 7,65 mm. O prednjem je obaviješten dežurni tužilac Kantonalnog tužilaštva Kantona Sarajevo, a A.K. je lišen slobode, zbog postojanja osnova sumnje da je počinio krivična djela iz člana 238. stav 1. KZ F BiH (Neovlaštena proizvodnja i stavljanje u promet opojnih droga) i člana 74. ZONDINOM-a Kantona Sarajevo. Osumnjičeni je predat u prostorije za zadržavanje osoba lišenih slobode MUP-a Kantona Sarajevo, a policijski službenici nastavljaju kriminalističku obradu nad pomenutim licem.

20.12.2022